

Ɔwulɔ́a Paulo Lɔwanlín Sísí Romafɔ

¹ Mí Yesu Kristo osúmbi Paulo dé ɔwulɔ́ ánfí wanlín sísí mli Romafɔ. Bulu léti mí ɔbéé, mbóbwe mu sumbí ɔyɔpɔ. Ɖléle mí yáí ání néda mu ason wankláán ámu ɔkan.

² Bulu léhie ason wankláán ánfí yáí tsun mu ɔnɔ́sú atɔ́ipúsu dododo, bɔwanlín mú wá mu ason wanlínhé amutɔ. ³ Ason wankláán ámu ulɔ́tɔ́i tsú mu Bi, ogyi aní Wíe Yesu Kristo iwɔ. Anyánkprúsa ɔkpasu á, ɔlelu Owíe Dawid abusuantɔ. ⁴ Bulu léle súná ání lélé mu Bi ní. Ɖlɔtsun Ɖɛe Wankíhé túmitɔ kúsúa mu tsú afúlito. Mɔgyí aní Wíe Yesu Kristo. ⁵ Ina musu Bulu lawá awitɔle lé mí mu sumbí ɔyɔpɔ, méni nékpa ɔmá bámbásúfɔ bóhɔ mu gyi, nú mu ɔme. ⁶ Mli Romafɔ ánfí Bulu latí ɔbéé, mlibóbwe Yesu Kristo klé é mlibu mótɔ.

⁷ Iní su mí Paulo nde ɔwulɔ́ ánfí wanlín sísí mliá mlibu Roma féé. Bulu lahié dwé mli, tí mli, pɔ́ mli bwé mu ahá. Nde aní Sí Bulu mva aní Wíe Yesu Kristo kokóli mbée, bɔgyí mli buale, abuha mli iwilwii.

Paulo Bulu Ipánda

⁸ Gyankpapu a, nna Yesu Kristosu nde mí Bulu ipán da mlitɔ okugyíɔku nwunsu. Tsúfé mli Kristo hógyi su mli dá de ɔyítɔ féé. ⁹ Napó mí klun féé nde Bulu súm tsun mu Bi Yesu iwɔ ason wankláán ɔkan ámutú ndeda ámusu. Obégyi mi adánsie ání ntekáin mli su brégyíbréá nde mpái bɔ. ¹⁰ Ntetsíá kokóli mu ekekegyíeke mbée, otsúla finki ɔkpa ha mi, antali besúnáa mli nke ánfítɔ. ¹¹ Tsúfé idun mí ɔwólúá mía mlunɔ abéfia, méni nébeha mlénya Ɖɛe Wankíhé atokiehé ání íbówa mli ɔwunlín. ¹² Mɔ́a ndeblí gyí, ní nebá mli wá á, mí hógyi bówa mli ɔwunlín, mli klé é íbówa mí ɔwunlín.

¹³ Mí apíó, ndekléá neha mli bi ání nabwébwéébwé agywun ání nébesináa mli, táme tǎku de mí ǎkpa tíin bǎfun nde. Ndekléá néba unv bǎtǎí kplá ahá, méní bóho Yesu gyi, fé alá nahá ahá bahǎ mv gyi ǎmá bǎmbátó. ¹⁴ Íni gyí tǎá ilehián ání nǎbwe ahá féétó n. Ilehián ání nǎbwe mú Griikifo pú ǎblí bǎmbá ablípú, atiansipv pú aha mimláhe féétó. ¹⁵ Íni sv mí ansí lapé ání nébláa mli ahá ání mlibv Roma wúlutǎ é asvn wankláán ámu.

Bulu Asvn Wankláán Ámu Túmi

¹⁶ Bulu asvn wankláán ámu uma mí péli. Tsúfé mógyí Bulu túmi ání ǎdepuhǎ ǎhagyíǎha ání ǎlǎhǎ Kristo gyi nkpa ní. Yudafǎ gyánkpá, asa ahá ání bumegyí Yudafǎ bubuo. ¹⁷ Tsúfé asvn wankláán ámvǎ Bulu léle alá ǎtǎbwé ǎha yilé ǎbwepú súná. Mú ǎsú-asi féé ilí hógýisv. Íni Bulu asvn wanlínhé amv leblí ní. “ǎhá ání mv hógýi sv Bulu latsú mv ání mv asún da ǎkpa obénya nkpa.”

Lakpan ǎbwepú ǎhagyíǎha Gyí Bulu Ansító

¹⁸ Bulu léle mv ǎbló súná tsú ǎsúsú. Olenya ǎbló ahá ání butamanyá mv ifú, bude lalahé bwe, bapú amú owuntǎlun bude Bulu asún ání igyi ǎnǎkwali ǎkpa tíin. ¹⁹ Bulu ǎbébití amú isv. Tsúfé tǎá ilehián ání bébi tsú Bulu iwí ida amú ansító dodo. Bulu onutó léle mú ǎwan súná ámu. ²⁰ Ibv móttó ání ǎhaa tamawun Bulu túmiá itamatá pú alá ogýi. Táme tsú bréá Bulu lóbwe ǎyí ǎpá á, Bulu tsiátó menǎin. Tsúfé mv atǎ bwehé lele mú súná wankláán ání ahá bétalí wun mú, póbí mv. Íni sv ǎhaa má ǎnó kuku lé. ²¹ Buyin Bulu, táme bumǎwa mv numnyam ání iletsiá mv, bumǎpv upán kuku é há mv. Mboún tǎá uma asi bǎtǎgywíun tsu Bulu iwí. Butamatráa nu mv asún ámu asi. Basin oklúntǎ. ²² Buteki amú iwí bee betun ansí, táme bemimlása. ²³ Basí Bulu ǎkiankpapv amv tswí, yó bude ikpí ání bvma nkpa súm. Bǎpwe amú, ntée sré amú fé nyankpusa ání otowú, ntée mbubwi, ntée mbwi pú awǎ aku.

²⁴ Íni sv Bulu ladámlí ɔma há amú, basí buɗe atɔ laláheá buɗeklé tsu amú kluntɔ bwe, amúva amú aba buɗe iwɪ supáa. ²⁵ Butamatráa hɔ Bulu ɔnɔkwali amvsu gyi. Asún ání uma mótó mboún buɗehógyi. Íni sv bayó buɗe Bulu atɔ bwehé mboún súm, sí atɔ féé ɔbwepó ámu onutó. Kanfú letsíá mu bré féé! Amen.

²⁶ Amú bwehé ánfɪ sv Bulu lédamlí ɔma há amú, buna buɗe hakpanla bwe. Amú atsi kóráá besi ayin wá di, fé alíá ida yaí, amú wolewule buɗa aba wá. ²⁷ Alí kén ayin é besi atsi wá di fé alíá butɔbwé mú yaí, buɗa aba wá ní. Hakpanla anfi bwe sv Bulu lébití amú isv ání lekanaá ha amú, buɗe mú wúun ni.

²⁸ Íniá bakíná Bulu bi sv á, Bulu ladámlí ɔma há amú, buɗe asvkan susúu, buɗe tɔ́á uma aleá ɔha ɔbóbwe bwe. ²⁹ Lalahe sóón bu amótó. Iku gyí; lakpanbwe, opotsuawa, olu, ɔnsípe, ahámɔ, mblíkpee, ahámlé, agywun laláhe bwe pú ahátsii. ³⁰ Ahá ɔnótɪn, Bulu asúnkiná, atómábú, iwitsú, iwɪ adábi da. Lakpan ɔkpagyáa, akwípúsv kusólíí. ³¹ Butamagywín, butamagyí amú asvnlíhésv. Butamadwé ahá, butamawun ahá nwe. ³² Íniá buyin ání Bulu mbla ámu losuná ání ɔhá ání otsiábi atsiábi anfi odu obówu óó á, megyí íni ánfɪ nkule buɗebwe. Butráa buɗe lalahe abwepó é atetɔ-ɔnlɪn wa dínká músó.

2

Bulu Tamakɪ ɔha Ansító

¹ Íni sv fúá futsie fude fú aba ilá le, fuma ɔnó kuku lé Bulu ansító. Tsúfé fude aku ilá le, táme fude mú odu kén bwe. Mú sv ní fude amú ilá le á, iwɪ pón fúdeha. ² Aniyin ání Bulu ɔbéha ahá ání buɗe íni odu bwe ipón. Aniyin é ání mu asún da ɔkpa. ³ Mú sv ní fúde ahá ilá le lakpan ání fú onutó fúdeɓwe sv á, bi ání Bulu é ɔbéha fú ipón. Fuméetalí kəli dalɪ mu ibi. Ntéé fumeyín alí? ⁴ Bulu lalé mu yilé pú mu awɪtəle ɔwan súná fú, alanyá klun há fú, táme

fumobu mu. Ntée fumeyín ání alíá fédamlí klɔntɔ yínkí ba mu wá su alalé mu awitɔle súná fú? ⁵ Táme klɔntɔ bu fu odwin, asvɔ bu fu ɔnlun. Mú su isvɔbití ání ida gyo fú ekeá Bulu ɔnɔkwaliɔvɔ obégyi asún itráa démoní tsía. ⁶ Bulu ɔbéka ɔhagyíɔha ikɔ mu bwehé ɔnɔ. ⁷ Aku bapó ansí dínká ání bénya numnyam, idayilé pú nkpa ání itamatá. Mú su banyá klɔn buɔe yilé bwe ekekegyíeke. Amú Bulu ɔbéha nkpa ání itamatá ní. ⁸ Táme akvá bubu ɔnsípe, bakíná ɔnɔkwali amu pú yilébwe, bubuo lalaha mú á, Bulu ɔbɔpu ɔblɔ gyi amú asún, bíti amú isu wankláán. ⁹ Asun wunhe múa iwɔsin béba lalaha abwepú féésú. Ibégyankpá t́ Yudafo, asa ibɔtu ahá ání bumegyí Yudafo. ¹⁰ Táme Bulu ɔbɔwa yilé abwepú numnyam, há amú iwilwii, trá ha amú aye. Obégyankpá há Yudafo, asa ibɔtu ahá ání bumegyí Yudafo. ¹¹ Tsúfé Bulu tegyi asún ɔnɔkwaliɔvɔ, ɔtamaki ɔhaa ansító.

¹² Ahá á múb bumeyín Mose Mbla ámu, buɔe lakpan bwe ámu óó bófwí. Táme Bulu móɔpu mbla ámu gyi amú asún. Ahá á múb buyin mbla ámu asa buɔe lakpan bwe ámu mú á, Bulu ɔbélí mbla ámu su há amú ipón. ¹³ Tsúfé megyí ahá ání buyin Mose Mbla ámu asún da ɔkpa Bulu ansító. Mboún ahá ání butegyí músú. ¹⁴ Ibo mútɔ́á ahá á múb bumegyí Yudafo bumeyín Mose Mbla ámu. Táme ní amú onutó buɔe mbla ámu su gyí a, buɔesuná ání buyin yilé múa lalaha amú klɔntɔ. ¹⁵ Amú bwehé ánfí desuná ání Bulu lówanlín mbla ámu dínká amú klɔnsu. Amú klɔn de adánsie gyí ání lélé buyin mú. Tsúfé bré kutɔ á, amú agywun tchá amú ipón, bré kutɔ é á, itchá amú asu. ¹⁶ Alí kén íbéba eke á múb Bulu ɔbɔtsun Yesu Kristosu gyi t́á ahá babwé njáintɔ iwí asún ní. Alí Kristo iwí asun wankláán á múb nde mú ɔkan da ámu idesuná ní.

Yudafo Pó Mose Mbla

¹⁷ Fɔ fɛɛ Yudayin fugyi, fɔ ansí dun Mose Mbla ámusu, fúdepu ibi sí kántó fɛɛ Bulu mu bi fúgyi. ¹⁸ Fuyin Bulu apé, tsúfé fakási Mose Mbla ámu. Mú su fuyin tɔ́á ibu alé. ¹⁹ Futeki fɔ iwɔ ansibi abwiepú ɔkparú, fúgyi fé ɔkandíe há ahá ání bumeyín Bulu, basin oklúntɔ. ²⁰ Fɔ fɛɛ fugyi aha mimláhe ansí ɔ́tɔ́npu. Fétalí suná ahá ání bumeyín ɔlala tɔ́á ibu alé. Tsúfé fatsúlá fɛɛ Mose Mbla ámu su fabí tógyító, fabí ɔ́nɔkwali kugyíku é. ²¹ Táme íniá fúde ahá yilé suná á, ntogyi su fumóosuná fɔ iwɔ mú? Fúde ɔkan da bláa ahá fɛɛ bumáwi ató, táme fɔ onutó fúdewi? ²² Fɛɛ bumáto mbua, táme fúde mbua tɔ? Fɛɛ bumásu ɔkpi, táme futowí ɔkpiasi ató. ²³ Futotsú iwɔ Mose Mbla ámu su, táme futepán mósú. Íni su fúde Bulu kpáí. ²⁴ Bulu asun wanlínhé amu léblí ɔbéɛ, “Mli Yudafɔ bwehé su ahá ání bumegyí Yudafɔ buɔde Bulu iwɔ asun laláhe blí.”

²⁵ Ní mlidé Bulu mbla ámusu gyí á, mli ketétún bu labi. Táme ní mlitamagyi mósú á, mligyí fé ahá ání bumetun keté. ²⁶ Ní ɔku métun keté, ɔde Mose Mbla ámusu gyí a, ogyi fé keté ɔ́tɔ́npu Bulu ansító. ²⁷ Mli Yudafɔ mliyin mbla ámu, tsúfé bɔwanlín mú tswi mli, betun mli keté é, táme mlitepán Mose Mbla ámusu. Mú su ɔhá ání ɔmetun keté kóráá, táme ɔde mbla ámusu gyí ɔbéle mli ilá. ²⁸ Tsúfé megyí keté ɔ́tɔ́npu gyí Yudayin onutó. Ketétún onutónutó bu unu. Megyí ɔyvlósu ketétún keke. ²⁹ Ní ɔku gyí Yudayin onutónutó á, mu klvntɔ tósúná. Ketétún onutó itsú klvntɔ. Bulu ɔ́hé ámu tɔ́bwé mú, megyí mbla ámuó bɔwanlín tswi amusu gyí. ɔhá ání Bulu ɔ́hé ámu iletun mu keté á, Bulu onutó tékánfú mu, megyí nyankpusa.

3

¹ Mómú labi mɔmu Yudafɔ bubu dun ahá ání bumegyí Yudafɔ? Ntée labi mɔmu ketétún bu? ² Ibo mútɔ́á labi ámu ihíé itsɔ! Gyankpawu gyí, Bulu lópu mu klvnsu asún wá Yudafɔ ibito. ³ Ibo mútɔ́ ání amútɔ́ aku bumɔhɔ Bulu asún

ámusu gyi. Táme amú tsiátó anfi odu íbétalí há Bulu obési tóá ðelehe ání ðóbówe lóó? ⁴ Ekekeke! Megyí alí igyi! Ní afunupu ahá fée bugyi óó á, Bulu mú á, ðnəkwalıpu ogyi. Igyi fé alíá Owíe Dawid lébláa Bulu ðéé,
 “Ní fətóí á, ahá bublí beε fú asún igyi ðnəkwalı.

Ní begyi fú asún é á, bublí beε fú asún da əkpa.”

⁵ Ní anı tsiátó laláhe lalé Bulu tsiátó wankláán súná á, múmú ní ðde anı usı bití anı tsiátó laláhe su á, nkalı abéblí? Abéblí anıaa, Bulu má əkpa bítı anı usı? (Nyankpusa asun blíhé ndéblí á.) ⁶ Ekekeke! İma mútó alı. Ní Bulu asún meda əkpa á, nkalı obégyi əyító ahá fée asún?

⁷ Əku obéfıté ðéé, ní mí ðnəkwalımáwá lalé súná ání Bulu bu ðnəkwalı, ıłatsú mu dá fúá á, múmú ntə sú Bulu ðétrá ha mí pón ðéé lalahe ðwepú ngyi? ⁸ Ní igyi alı á, múmú ntə sú anıméebli anıaa, “Mlıha abwe lakpan, fówun Bulu tsiátó wankláán ııın əwan?” Fé alı ámúú aku bude mí ðnə tun beε, nna ndéblí ámu. Bulu ðéha amú ıpón alıá ılekanáa.

Əhaa Mégyı Yilé Əwepú

⁹ Nkálı meε abéblí pımó mú ðnə? Mú su anı Yudafo anıdın ahá ámúú buımegyı Yudafo ámu lóó? Ekekeke! Anımódın amú əkpagyıəkpası. Nablí bətsun mbéε, ıkuıe Yudafo pú ahá ámúú buımegyı Yudafo ámu fée bugyi. Tsúfé lakpan lagyi amú féesú. ¹⁰ Bulu asún leblı ðéé,
 “Əhaa asún meda əkpa Bulu ansıtó. Əbakúıe kúráá médalı mútó.

¹¹ Əhaa tamanú Bulu asún ası;
 əhaa tamadúnká Bulu əkpa.

¹² Amú fée badámlı əma há Bulu,
 ámú fée bafwı.

Yilé əwepú əkuku má unı. Əbakúıe kúráá médalı mútó.”

¹³ Bulu asún ámu létrá blı ðéé,
 “Butekle asıkpan blı.

Buṭəpú amú ɔnó mlé ahá.

Amú ɔnótó asun blíhé tɔmó fé iwə elín.”

¹⁴ Bulu asún ámu létrá blí ɔbéε,
“Iwúí pú asun-sunsín blí buṭegyí di.”

¹⁵ Ɔlétrá blí ɔbéε,
“Ahámə ma amú ɔpá.

¹⁶ Ɔtínegyíɔtínéá buna á, bude ahá yintá, bude ahá ipiantə wa.

¹⁷ Bumeýín ɔkpa ání itəpú iwílwii ba.”

¹⁸ Bulu asún ámu kv é ləblí ɔbéε,
“Buṭamanyá Bulu ifú.”

¹⁹ Séi á, aniyin ání asúngyíasón ání Mose Mbla ámu losuná á, ida ha Yudafo ámuú bəpu mbla ámu há ámu. Mú sv ɔkuku méenya ɔkpa lé asvansu ɔnó bréá Bulu dé ahá féé asún gyí. ²⁰ Tsúfé Mose Mbla ámusv gyí méetalí há ɔha ogyi asv Bulu ansító. Há mbla ámu itehá anitebí ání lakpan abwepú angyí.

Alá Ɔha Tegyi Asv Bulu Ansító

²¹ Séi á, Bulu lasúná ɔkpa ání ɔtətsun músó há ɔha asv. Imená Mose Mbla ámusv gyísv. Táme Mose Mbla ámu pú Bulu ɔnósú atəípú amv asun wanlínhé ləblí ɔkpa ámu iwí asún yáí. ²² Ɔkpa ámu gyí ɔkpa ání Bulu tətsun há ɔha asv mu ansító ní. Yesu Kristo hógysv Bulu tətsun hə ɔhagyíɔha. Ma fvgyi o, ma fumeýí o, nkónv fotsú o, nkónv fumotsú o, ɔhaa mótsun ɔtsan Bulu ansító. ²³ Tsúfé ahá féé babwé lakpan. Mú sv bahúli Bulu numnyam. ²⁴ Awítəle Bulu lawá há aní. Mú sú nyankpusa obégyi asv mu ansító ní. Awítəle anfi ina Kristo Yesusv. Mvléka nyankpusa nwunsv ikə. ²⁵⁻²⁶ Anyánkpusa bude lakpan bwe tsú bré ɔpá, táme Bulu lénya klvn há amú, ɔmɛbití amú isv. Séi á, Bulu labəpu Yesu bó afədiε, pú mv obugya lé aní iwí mbusuo, méni abótswn mv hógysv nyá lakpansikíé. Bulu lóbwe mú alí púsúná ání mv asún da ɔkpa, méni ibósuná

nke ánfito ání yilé ðwepú ogyi. Ototsú ahá ání bohó Yesu gyi ání amú asún da ðkpa mu ansító.

²⁷ Séi mé, tǎku bu invá abótsu iwí mǔsú? Tǎtǎ má unv. Ntogyi sǔ animéetalí tsú iwí? Mose Mbla ámu sv lóó? Ó-o! Aní hóggyi sv animéetalí tsú iwí. ²⁸ Megyí atǔ wankláán amú Mose Mbla losuná aní bwe ámu sv anitegyi asv Bulu ansító. Ina Kristosu hóggyisv abégyi asv Bulu ansító. ²⁹ Yudafo nkule Bulu ógyi? Megyí ahá ání bumegyí Yudafo mú Bulu ogyi? Ee! Amú é amú Bulu ní. ³⁰ Bulu ðkule pé bu unv. Mú sv ina hóggyisv olotsulá ání Yudafo asún da ðkpa. Ina hóggyi kénsú ðlǎhó ahá amú bumegyí Yudafo ámu é ání amú asún da ðkpa. ³¹ Mú sv ilehián ání abóhó Yesu gyi, sí Mose Mbla ámu sv hóggyi lóó? Ekekεεke! Megyí alí ígyi. Yesu hóggyi téhá antekítá mbla ámu tǔ kínkíínkín.

4

Abraham Iwí Asún Lasúná Alíá Hóggyi Bu Labi

¹ Séi á, amansv aní Yudafo abéblí tsú aní náin Abraham iwí? Ntǔ olowun tsu Bulu aháhó asún ánfí iwí? ² Ní yilé bwe sǔ Abraham légyí asv Bulu ansító á, múmú ðbu tǔá ðbǔpǔtsú iwí, táme meggyí Bulu ansító. ³ Nkálí Bulu asvn wanlínhé amú léblí? ðleblí ðbéε, “Abraham lóhó Bulu gyi. Mú sv Bulu lótsu mu ání mu asún da ðkpa.” ⁴ Ní ðku ðyó agyómá á, buteká mu ikǔ. Meggyí atokiehé ikǔká ámu gyí. Igyi tǔá ilehián ání obénya tsú mu agyómá yǔtǔ. ⁵ Táme meggyí ahá bwehé sv, mboún amú hóggyi sǔ Bulu totsú amú ání amú asún da ðkpa. Tsúfé Bulu téhá lakpan abwepú ání bohó mu gyi butegyí asv mu ansító. ⁶ Owíε Dawid léblí oyúla asún ánfí kén dodo. ðlǎtǔí tsú ahá ání Bulu méki amú bwehé asa olotsu amú ání amú asún da ðkpa iwí. ðlǎwanlín mú wá Bulu asvn ámu tǔ ðbéε,
⁷ “Bulu layúla ahá ání alási amú lakpan kíε amú, alagyúra amú!

⁸ Ahá á múú Bulu lasí amú lakpan kíé amú, ɔméetrá káín músú ámv bégyi ɔdwe!"

⁹ Keté atínpu nkɔle bú ɔdwegyí anfi Owíe Dawid dé mú ɪwɪ asón blí anfi? Ó-o! Ahá á múú bɔmetn keté ámv é bɔbɔ mótó. Kaun ání anɔlakla asvankv Bulu asvn wanlínhé amɔtɔ. Ania, "Abraham lóhɔ Bulu gyi. Mú sv Bulu lótsu mv ání mv asón da ɔkpa." ¹⁰ Bré mɔmv Bulu lótsu mv ání mv asón da ɔkpa? Ɔletn keté asa lóó? Ekekeke! Bulu lótsu mv ání mv asón da ɔkpa dodoodo. ¹¹ Ɔma-ɔma asa ɔlebetn keté púhíe mv nsɔ. Ilosuná ání mv hógyi sù Bulu lótsu mv ání mv asón da ɔkpa. Ínɪ sv ogyi fé ahá á múú bɔmetn keté, táme bɔhɔ Bulu gyi, Bulu lótsu amú ání amú asón da ɔkpa ámv. Mú sv ogyi amú fée ɔsí ní. ¹² Ogyi keté atínpu amú é ɔsí. Tsúfé megyí amú ketétín sv, mboún amú Buluhógyi sv. Fé alí á múú Abraham lóhɔ Bulu gyi asa betn mv keté ámv.

Tóá Bulu Léhie Yáí Mv Ahógyipu

¹³ Bulu léhie Abraham mva mv abí-aná ání ɔyító fée ɪbɔbwe amú klé. Megyí beɛ Abraham légyi Mose mblasv, sv Bulu léblí asón anfi. Táme íniá ɔlɔhɔ Bulu gyi, Bulu é lótsu mv ání mv asón da ɔkpa mv ansító sv. ¹⁴ Ní ahá ání bɔde Mose Mbla ámvɔ obégyi Bulu ató á, múmú ɔha Bulu hógyi igyi kpaali. Bulu nhíhé há ɔha é ma labi kɔkv. ¹⁵ Tsúfé Bulu ɔbló mbla ámv tetí. Táme ní mbla má unv á, mblatvn é uma unv.

¹⁶ Mú alí sv una hógyisv ahá bétalí nyá atóá Bulu léhie yáí há amú. Atokiehé á múú ɔbɔpvhá Abraham abí-aná ámv ɪbéda amú ɪbɪ. Megyí ahá ání butegyi mblasv nkɔle bú, táme ahá ání bɔhɔ Bulu gyi fé Abraham é. Tsúfé Abraham gyí aní fée ɔsí. ¹⁷ Fé alí á múú Bulu asvn wanlínhé amv ɪleblí ɔbéɛ, "Nápú fú bwé ɔmá tsɔtsɔtsɔ ɔsí ámv. Abraham gyí aní fée ɔsí Bulu ansító." Tsúfé olohogyi ání Bulu téhá awupú nkpa, ɔtehá tóá uma unv yáí ɪteba mótó fé tóá ɪbɪ unv

yái. ¹⁸ Bréá totɔ má unvá Abraham ɔbɔpu mu ansí dínká músú á, ɔlɔhɔ Bulu gyi ání ɔbɔbwe mu ɔmá tsɔtsɔɔtsɔ ɔsí alí ámú ɔleblí yái ámu. Bulu lébláa mu ɔbéé, “Fú abí-aná békleí fé ntsrakpabi.” ¹⁹ Alí bré ámutɔ á, Abraham laho nfí lafakule (100). Mú su aladan tsun kwísú. Alí kén mu ka Sara é ɔkwípúni lawú, ɔméetrá kwí ní. Oyin íni fée, táme ɔmekpa mu hógyi ɔma. ²⁰ Íni fée ɔma a, omegyí nwéen ɔbéé, itó ámú Bulu léhie mu amu uméeba mító. Mboún ɔlekitá mu hógyito kínkínkín, ɔlekanfó Bulu mú su. ²¹ Tsúfé ɔhié oyin ání Bulu ɔbétalí bwé itó ámú alahíe há mu amu. ²² Mu hógyi anfi sù Bulu léblí ɔbéé, mu asún da ɔkpa ní. ²³ Megyí mu nkule su bɔwanlín wá Bulu asún ámutɔ beé, “Bulu lótsu mu ání mu asún da ɔkpa.” ²⁴ Aní é, aní su bɔwanlín mú. Ní anulóhɔ Bulu gyi a, obótsu aní ání aní asún da ɔkpa. Mvgyí ɔhá ání ɔlɔkúsúa aní Wíe Yesu tsú afúlito. ²⁵ Aní lakpan sù Bulu léha bele mu há bɔmɔ mu. Bulu lókusúa mu tsú afúlito, méni obótsu aní é ání aní asún da ɔkpa.

5

Isugyí Bulu Ansító

¹ Aní hógyi sù Bulu latsú mú ání aní asún da ɔkpa. Mú su aní Wíe Yesu Kristo lalá ania Bulunyo nsiné. ² Hógyi su ɔkpa lafínkí há aní ngya. Íntá aní Wíe Yesu sù Bulu awitɔle anfi laba anisu, anlapú hogyi nyá ɔlúkpá ngya a, ihíe bu aní ɔdwe. Tsúfé anidín ansí ání abébenya mu numnyam amu kv. ³ Ansí itráa de aní gyí ání anidé ipian wúun. Tsúfé ipian téhá anitɔwá nsi. ⁴ Nsiwa téhá anitebí tsíá alíá ilegyi Bulu ansí. Ní abí tsíá alíá ilegyi mu ansí á, abédínká ansí musu. ⁵ Ansí pudínká Bulusu mécha péli méekítá aní. Tsúfé Bulu lótsun ɔɛe Wankíhé amú ɔlɔpvhá aní ámusu pú mu ɔdwe wá aní kluntɔ.

⁶ Bréá anitráa anigyí lakpan abwepú, animá ɔwonlín á, Kristo lóbowu há ani lalahe abwepú bréá Bulu onutó léhiɛtɔ. ⁷ Ní ɔku asón da ɔkpa kúráá á, ibówa ɔnlun asa ɔku obótsulá wú há mu. Fíali ɔha yilé mú á, ɔku ɔbówa klun wú há mu. ⁸ Táme tóá ilosuná ání Bulu tehíé dwé ani gyí, bréá anigyí lakpan abwepú á, ɔleha Kristo lóbowu há ani. ⁹ Ina Yesu Kristo obugya amúb ulɔwulí asi ámusu Bulu lési ani lakpan kíé ani, tsú ani ání ani asón da ɔkpa. Kristo su ɔbéle ani kokooko. Ɖméébití ani isu lakpan abwepú isu-ɔbitíké amu. ¹⁰ Teki Bulu alupú anigyí. Táme tsúɔn mu Bi ámu lowusu á, alabwé ani mu anyawíe kláklá. Íniá anilabwé mu anyawíe su á, ɔbóhɔ ani nkpa kokooko. Tsúfé Kristo é bu nkpa. ¹¹ Megyí mú wule. Móbá itráa dun kúráá gyí, anidé ɔdwe gyí. Tsúfé ani Wíe Yesu Kristo lalá ania Bulunyo nsné. Mú su anilabwé Bulu anyawíe.

Adam Mva Kristo

¹² Adam nkule bwehé su lakpan léba ɔyító. Mu lakpan ámu sù lowu léba ɔyító. Íni su lowu lénya túmi ɔhagyíɔhasu, tsúfé ahá féé babwé lakpan. ¹³ Lakpan bu ɔyító asa Bulu lópu mu mbla ba Mose. Táme bréá Bulu mókúpú mbla ámu ba mu a, olobun ansíbi lakpansu. ¹⁴ Tsú Adam brésú bɔtu Mose brésú lowu legyi iwíe anyánkpósa féésú. Ibu mótó ání bumɔtun mbla kuku fé Adam, táme amú é bowu.

Akí alíá Adam léklé ɔlian ɔmapu amu. ¹⁵ Adam ná ɔtsan há Yesu Kristo. Tsúfé Bulu awitɔle amu megyí fé Adam lakpan ámu. Adam nkule lakpan sù ahá féé bowu. Táme Yesu Kristo nkule awitɔlewa su Bulu laláwá awitɔle, pú mu atokiehé há ahá tsɔtsɔtsɔ. Mu atokiehé ámu ibu bíá dun lowu ámu. ¹⁶ Tóá anyánkpósa benya tsú Bulu atokiehé ámutɔ una ɔtsan há tóá benya tsú Adam lakpan ámutɔ. Mu lakpan kule pé amu léha ɔhagyíɔha légyi pón Bulu ansító. Mólópu lowu ba, táme lakpan tsɔtsɔtsɔ ɔma

a, Bulu atokiehé kule pé leha Bulu lótsu ahá fée ání amú asún da okpa mu ansító. ¹⁷ Òbakóle lakpan su lowu légyi iwíe ahásv. Táme aliá Bulu lahíe wá awítóle há ahá íbu wánwan. Alatsun Yesu Kristo nkulesu tsú aní ání aní asún da okpa, ania munyo abégyi iwíe aní nkpatò fée.

¹⁸ Íni su alí amúbú òbakóle lakpan su Bulu léha ahá fée pón ámu a, alí kén òbakóle yilébwe su Bulu lahá ahá fée bagyi asu mu ansító, alahá amú nkpa ání itamatá é ní. ¹⁹ Alí amúbú ina òbakóle asuto-ònlun su ahá fée bemlí lakpan abwepú ámu a, alí kén ina òbakóle obú su Bulu obótsu ahá tsòtsòtsò ání amú asún da okpa ní.

²⁰ Bulu lópu mbala ámu ba, méní ahá bówun lakpan ání budebwe wankláán. Táme bréá lakpan dékleí á, Bulu awítóle é idekleí tsía. ²¹ Lakpan légyi ahásv, ileha ahá bowu. Alí kén Bulu lawá awítóle tsú ahá ání amú asún da okpa mu ansító ní. Íni lahá ahá batsun aní Wíe Yesu Kristosu nyá nkpa ání itamatá.

6

Kristo Su Aníbu Nkpa

¹ Nkálí abéblí séí? Ilehíán ání abóyo aní lakpanbwesu, méní Bulu awítóle bómoní tsía? ² Ekekeke! Igyi fé anilawú, mú su lakpan ma túmi anísv. Ntogyi su abétrá tsía bwé lakpan? ³ Bré amúbú bóbò aní asú ámu a, ania Kristo Yesunyo anilóbwe kule. Mlyin mú alí? Alí bré ámutò á, ania Kristonyò lówu, ⁴ bopolá aní, tsúfé ania munyo anilabwé kule. Mú su alí amúbú aní Sí Onumnyampu amu lókusú mu tsú afúlito ámu a, alí kén aní é abétsiá itsiá pòpwetò ní.

⁵ Mú su úníá ania munyo anilóbwe kule mu lowutò á, alí kén ania munyo lóbwe kule mu kusú tsú afúlito é ní. ⁶ Mlibi ání bréá beda Yesu mántá oyikpalíhe amúsv á, mva aní tsiátò dada amu lówu, méní anuméetrá bwe lakpan nkpábi.

⁷ Tsúfě ní ðha owú á, ðtamatráa bwe lakpan. Lakpan má musu túmi. ⁸ Íniá ania mɔnyo anilawú sv á, anɔbu hógyi ání ania mɔnyo abétsiá nkpa. ⁹ Anyin ání Bulu lókusúa Kristo tsú afúlitó. Ðméétrá wu ekekekeke. Lowu itráa ma musu túmi. ¹⁰ Yesu lówunáa wu ðsáwule, ménɔ ðbéle lakpan iw. Táme íniá otsie nkpa á, otsie ha Bulu. ¹¹ Mli é mliki mli iwí ání mlilawú há lakpan, amlile mli iwí le mú túmi asi. Mlitsia nkpa ha Bulu, tsúfě mli Kristo Yesunyo mlilabwé kole.

¹² Íni sv mlímáha lakpan igyi mli nyankpusa-oyí ánfɔ íbówu ánfɔsv, ménɔ iméeha ðwóli laláhe igyi mli sv, amlibwe tóá ideklé. ¹³ Mlimápv mli nyankpusa-oyí iwí ató há lalahé bwe. Mboún mlɔpv mli iwí fěé ha Bulu, fě ahá ání alakúsúa amú tsú afúlitó ba nkpató, ðpv mli bwe tóá ida ðkpa. ¹⁴ Ima aléá lakpan ðbétrá gyi mli sv, tsúfě séi mlitráa mlímá Mose Mbla ámv asi. Bulu awítale asi mboún mli sv.

Yilébwe Nkpábi Angyí

¹⁵ Íni ðma a, amansv abéblí? Ibo aléá abétrá bwe lakpan séi ánfɔ ánmá mbla ámv asi, anɔbu Bulu awítale mboún asi? Ekekekeke! ¹⁶ Mliméyín ání ní mleba iwiasí há tókv, mlidé mú apé bwe, mlidé mú súm fě mli wíe a, mlilabwé mú nkpábi? Ní mleba iwiasí há lakpan á, múmú mlówu, táme ní mleba iwiasí há Bulu á, mlégyi asv mv ansító. ¹⁷ Mlilóbwe nkpábi há lakpan bré kvto. Séi á, mlilapú mli klɔn fěé hɔ atosunáhé amúv bapúhá mli ámv, mlidé músú gyí. Mú sv nde Bulu ipán da. ¹⁸ Bulu lahá mlilagyi iwí lé lakpan íbitó, mlilabwé nkpábi há yilébwe. ¹⁹ Alá íbóbwe mlónu asún ánfɔ asi, sú napú nkpábi tsiátó nde mli suná. Bré kvto á, mlilóbwe mli iwí nkpábi há hakpan múa lalahé bwe. Alí kén ilehián ání mlóbwe mli iwí nkpábi ha yilébwe, ménɔ mlófvn yi ni.

²⁰ Bré ámvú mli gyí nkpábi há lakpan bwe ámv a, yilébwe má túmi mli sv. ²¹ Labi mɔmv mlilénya tsú lakpan ámvú

mlilóbwe, nde ibu mli péli amvto? Mú labi gyí lowu. ²² Táme séi mú á, Bulu lahá mlilagyi iwí lakpanbwe túmi asi. Mlilamlí mv nkpábi. Labiá mlénya tsú mótó gyí; mlétsiá tsiátóá ulofun yi, nyá nkpa ání itamatá. ²³ Tsúfé lakpanbwe ikaká gyí lowu, táme Bulu atokiehé gyí nkpa ání itamatá. Mú olpugyi aní buale tson ania aní Wíe Kristo Yesu ikulébwesu ní.

7

Mbla Ámv Itráa ma Túmi Akristofosu

¹ Mí apíó, mli féé mliyín Mose Mbla ámv. Mliyín ání bréá oha tsie nkpa á, obv mbla asi. ² Fé ní otsi tsia okúlu, mv kulu amv mókówú á, obv mv kulu amv asi. Táme ní mv kulu amv owú a, alagyi iwí, okúlu wóyí mbla koku itráa medé mv. ³ Mú alí sv ní mv kulu amv mókónyá wú, odáli mv oma a, alató mbua. Táme ní mv kulu amv owú mú á, otráa oma okúlu wóyí mbla asi. Mú sv ní oláyétsiá oyín bámbá á, omakótó mbua. ⁴ Mí apíó, alí kén igyi há mli ní. Mli é bréá mlilóhó Kristo gyi a, mlia mnyo mlilówu. Mú sv mlitráa mlumá Mose Mbla asi. Séi á, mlilabwé ohá ámvú Bulu lókúsúa tsu afúlitó ámv klé, méni mlóbwe yilé há Bulu. ⁵ Tsúfé bréá aníbv aní tsiátó dada amvto á, mbla ámv léha aní owóli laláhe legyi anísv. Mú sv anilóbwe tóá itópú lowu ba. ⁶ Táme séi mú á, Bulu lahá anilagyi iwí tsú mbla ámvú teki aníbv mú asi ámv ibitó. Ania Kristonyo lówu. Mú sv mbla ámv itráa ma túmi anísv. Anilagyi iwí, anidé Bulu súm tson okpa pwpwe ání Dye Wankíhé dé aní sunásó. Megyi okpa ání mbla wánlínhé amv lósuná anísv.

Mbla Ámv Múa Lakpanbwe

⁷ Mú sv anidéblí aníaa, itó laláhe Mose Mbla ámv gyí? Ekekeke! Mbla ámv íbéha abébi tóá lakpan gyí. Teki ní mbla ámv imeblí obéé, “Mápe aní fú bá atósú” a, teki mmebi tóá gyí onsípe. ⁸ Ina alí mbla ánfí sv lakpan lénya

okpa pú onsípe kugyíku wá mító. Tsúfé ní mbla ámu má unu á, teki lakpan má túmi mísó. ⁹ Mí onutó netsiá bré kutó, mmebi mbla ámu. Táme bréá nebebi mú á, nowun ání napán mósó. Lakpan obwepó ngyi. Mú su nówu. ¹⁰ Nowun ání mbla ámúb nki mbéé, ibéha mí nkpa ámu lópu lowu ba mi. ¹¹ Tsúfé lakpan lénya okpa tsun mbla ámusu mlé mí, mó mí.

¹² Tsiátó mbla ámu mú á, tsitsa kuku ma mú iwí. Mú nhuhé kugyíku lowankí, ida okpa, ibu alé é. ¹³ Mú su idesuná ání Bulu mbla ánfí ibu alé ánfí lópu lowu ba mi? Ekekeke! Megyí alí ígyi. Lakpan lótsun ito wankláán ámusu pú lowu ba mi. Ina mbla ámusu lakpan léle iwí súná ání itépi ma ale.

Atóá ldekó Nyankpusato

¹⁴ Anyin ání onétó ató mbla ámu gyí, táme mí mú á, nyankpusa ngyi. Nabwé lakpan okpábi. ¹⁵ Mmetálí bí mí tsiátó, tsúfé megyí tóá ndeklé ntóbwe, tóá mmedéklé mboún ntóbwe. ¹⁶ Ní tóá mmedéklé ndebwe mú á, natsúlá ání Mose Mbla ámu ibu alé. ¹⁷ Idesuná ání megyí mí dé alí ató ánfí bwe. Mboún lakpan túmiá ibu misu téhá ntóbwe mú. ¹⁸ Nyin ání bré ánfí mbu mí tsiátó dada anfito á, ito wankláán kuku má mító, tsúfé nyankpusa ngyi. Ntekleá nóbwe yilé, táme nakásíán. ¹⁹ Mmedé yiléá ndeklé bwe. Lalahé amúb mmedékléá nóbwe ámu mboún ndebwe. ²⁰ Ní nde lalahé amúb mmedékléá nóbwe ámu bwe á, mómú idesuná ání megyí mí onutó dé mú bwe. Mboún lakpan túmi ámúb ibu mito ámu dé mú bwe.

²¹ Mú su nawun ání mbla ánfí lagyi misu. Ní ndekléá nóbwe yilé á, lalahé kóún ntóbwe. ²² Tsúfé nhíé ndekléá négyi Bulu mbla ámusu tsú mí kluntó. ²³ Táme ntowun ání mbla ku dé mbla ámúb ibu mí kluntó ámu isá kó, gyi mósó, bwé mí lakpan okpábi. Ulahá lakpan ámúb ibu mito ámu ide mí bwehé kugyíkusv gyí. ²⁴ Kí ipian kpənkpəənkpəntiá mbu mótó! Ulapú mí iya lowutó. Ma obéle mí tsú mótó?

²⁵ Táme aní Wíe Yesu Kristo su nde Bulu ipán da ání alalé mí!

Mí kluntō mǔ á, teki ndekléá nóbwe Bulu mbla ámu okpábi. Táme tsiátó laláhe amúú ibv mltō ámu lahá nabwé lakpan okpábi mbóún.

8

Nkpatsiá Dínká Bulu Ɖhé Ámu Asónsú

¹ Íni su séi á, Bulu méetrá ha ahá ání amúa Kristo Yesunyō babwé kule ipón. ² Tsúfé Kristo Yesu su Ɖhe Wankíhé túmi ání itehá nkpa lahá anulagyi iwí tsú lakpanbwe mǔa lowu ibitō. ³ Mose Mbla ámu métalí lé aní tsú aní lakpantō. Tsúfé aní tsiátó dada amúú itehá anitōbwé lakpan ámu imeha anumégyí mbla ámu atosunáhésu. Táme Bulu lótsun okpa p̄p̄wesu hō aní. Ɖlowa mu Bi onutó lébá fé nyankpusa ání Ɖtōbwé lakpan, táme mu mǔ Ɖmōbwe lakpan. Bulu lótsun mu lowusu mǔ aní tsiátó dada amúú lakpan legyi mǔsú ámu. ⁴ Ɖlōbwe mǔ alí, méni ní anibuo Ɖhe Wankíhé amu a, abétalí tsiá tsiátó wankláán amúú teki mbla ámu lósuná ámu, anuméetrá tsiá aní tsiátó dada amu. ⁵ Tsúfé laláhe ahá ání tsiátó dada amúú itōbwé lakpan ide amúú gyí butōgywín. Táme ahá ání bubuo Ɖhe Wankíhé amu a, tǔá Ɖhé ámu tekle butōgywín. ⁶ Ɖhá ání lakpan lagyi mu tsiátósu tenyá lowu tsú mǔtǔ. Táme Ɖhá ání Ɖhe Wankíhé lagyi musu mǔ tenyá nkpa mǔa iwílwii. ⁷ Tsúfé Ɖha ání lakpan lagyi mu tsiátósu tolú Bulu. Ɖtamagyi Bulu mblasu, tsúfé Ɖméetalí gyi mǔsú ekekeke. ⁸ Ahá ání lakpan lagyi amú tsiátósu buméetalí gyi Bulu ansí.

⁹ Táme Bulu Ɖhé bu mltō lélé. Mǔ su mltméetrá tsiá mlti tsiátó amúú lakpan legyi mǔsú ámu. Mlóbwe tǔá Ɖhe Wankíhé amu tekle. Ní oku má Kristo Ɖhé ámu a, omegyí mu kle. ¹⁰ Ibv mǔtǔá lakpan su mlti nyankpusa-oyí ánfí obówu. Táme ní Kristo bu mltō á, mlti okláa bu nkpa. Tsúfé

Bulu latsú mli ání mli asón da okpa mu ansító. ¹¹ Bulu lókusúa Kristo tsú afúlitó lélé. Mó su ní mu Ọ́hẹ́ bu mlítò á, múmú obótson Ọ́hẹ́ ámusu há mli nyankpusa-oyí ámúú ibówu ámu nkpa pọ́pwe.

¹² Íni su mí apió, imehián ání abétrá tsiá aní tsiátó dada amu, bwé tóá aní ọ́wọ́lì laláhe tekle. Mboún lehián ání abóbwe tóá Ọ́hẹ́ Wankíhé tekle. ¹³ Tsúfẹ́ ní mletsíá mli tsiátó dada amutò á, mlówu tsítsá. Táme ní mlòtsun Bulu Ọ́hẹ́ ámusu kíná mli nyankpusa-oyí ámu apé bwe á, mlétsíá nkpa ání itamatá. ¹⁴ Tsúfẹ́ ahá ání bahá Bulu Ọ́hẹ́ de amú kpa gyí Bulu abí. ¹⁵ Megyí Ọ́hẹ́ ání ibéha mlóbwe nkpábi, tsíá nyá ifú Bulu lópsuwá mlítò. Mboún Ọ́hẹ́ ámu lóbwe mli Bulu abí. Ọ́hẹ́ ámu su anitetalí su kpolí Bulu aniaa, “Abba, mí Sí!” ¹⁶ Ọ́hẹ́ ámu totsúlá há aní ání lélé á, Bulu abí anigyí. ¹⁷ Ní Bulu abí anigyí á, múmú anigyí mu ató agyípú. Ania Kristonyò obégyi mu ató. Tsúfẹ́ ní awun Kristo ipian ámu ku á, múmú abénya mu numnyam amu é ku.

Numnyam Ání Abénya Ekekú

¹⁸ Ní neki numnyam ání ida gyo aní, Bulu obéle súná aní á, ipian ání anidéwúun bré ánfító umofun mú otinetune. ¹⁹ Bulu atò bwehé fée buhíé bude okpa kí ha ekeá Bulu obéle mu abí numnyam ọ́wan. ²⁰ Tsúfẹ́ Bulu atò bwehé fée lasí ida keke. Megyí mú onutó apé igyi. Mboún mulóbwe mú alí, íha mu atò bwehé fée íkí okpa ²¹ ání ekekú á, obéha amú fée bégyi íwí, buméetrá yintá ekekekeke. Mu atò bwehé ámu ibénya mu abí íwígyí pú amú numnyam amu ku. ²² Anyin ání bọ́tu nde á, Bulu atò bwehé fée ide íwíwusun wúun. Idekumí fé alíá íkwí todwíín ọ́tsi. ²³ Megyí Bulu atò bwehé ámu nkule dékumí. Aní ámúú alapú mu Ọ́hẹ́, igyi mu atokiehé gyankpapu wá anitò ámu é anidékumí aní kluntò. Anihíé anitsie anigyó ekeá Bulu obéha aní nyankpusa-oyí ání obégyi íwí, obóbwe aní mu abí. ²⁴ Tsúfẹ́ okpakú anfi su ọ́lọ́họ́ aní nkpa. Butamakí tóá fúbu okpa, tóá fuma okpa

butɛki. ²⁵ Ní anidé tóá animá ɔkpa kú a, antenyá klɔn tsíá gyo mú.

²⁶ Ɖɛ Wankíhé amv tetsá aní aní pónɔ. Tsúfé anuméyín alíá abókulí Bulu ató, ibégyi mv ansí. Ɖɛ́ ámv onutó tɛhíé kímí púkúlí Bulu ató há aní, dɔn alíá aní onutó abétalí.

²⁷ Bulu yin ɔhagyíɔha klɔntɔ asún. Mú sv oyin mv Ɖɛ́ ámv agywun. Tsúfé Ɖɛ́ ámv tokókólí Bulu há mv ahá alíá Bulu onutó dé mú klé.

²⁸ Anyin ání Bulu tɛhá tógyító tɔwá alé há mv adwɛpú. Amúgyí ahá ání mv onutó ɔletɔ mv nhíhé ɔnó ní. ²⁹ Tsúfé ahá ámvú Bulu yin yaí ámv a, amú ɔlele. Ahá ámvú ɔlele ámv ɔletɔ ɔbéé, bubéhan mv Bi ámv. Fówun mv Bi ámv ɔbóbwe ɔdéhen mv abí tsɔtsɔtsɔ. ³⁰ Ahá ámvú Bulu yin yaí dodo amv ɔletɔ. Ahá ámvú ɔletɔ ámv olotsu ání amú asún da ɔkpa mv ansító. Ahá ámvú olotsu ání amú asún da ɔkpa ámv ɔlowa numnyam.

Yesu Bulu Ɖdwe Ɖwanle

³¹ Amansv anitráa aníbv blí tsú ínɔ íwɔ? Ní Bulu bv aní wá á, ma ɔbétalí kósú líí anísv? Ɖhaa má íwɔ! ³² Bulu mékiná mv onutó mv Bi ámv si há lowu aní fée nwunsv. Olesi mv há faan. Nkálɔ sɔ ɔmóɔpɔ ató tráhe fée tsíá mv Bi ámvɔ há aní? ³³ Ma ɔbétalí ká asún dínká ahá ámvú Bulu lalé ámvsv? Bulu lóó? Ekekeke! Mvgyí ɔhá ání alatsú aní aní aní asún da ɔkpa mv ansító. ³⁴ Ma ɔbétalí há aní ɔpón? Ɖhaa má íwɔ! Tsúfé Kristo Yesu gyí ɔhá ání olobowu há aní, Bulu lókúsúa mv tsú afúlitɔ. Alayó otsie Bulu gyɔpɔsv, ɔde mv kokólí aní nwunsv. ³⁵ Ma ntée ntɔ ɔbétalí títi ania Kristonyɔ nsuné ɔdwetɔ? Asun wunhe lóó, ntée ikplán? Ní budin anísv lóó, ntée akún? Yayá natí lóó, ntée lowu? ³⁶ Tsúfé bɔwanlín wá Bulu asun wanlínhé amvɔ beɛ, “Fú sv bude aní mɔ ekekegyíeke.

Bude aní kú fé akúfa ání bapú beya ɔmɔkpá.”

³⁷ Táme ínɔ féeɔ́ a, ɔdwe ámvú Kristo bv ha aní ámv sv anílagyi ísv dáfá. ³⁸ Tsúfé nhíé nyin ání tɔtɔ méetalí ká

ɔdweá Bulu bu ha anitɔ. Lowu o, nkpa o, Bulu-abɔpu o, túmi kugyíkúá itráa de iwíe gyí ɔsúsú o, atóá ibu nu séi pú móa íbéba o. ³⁹ Tógyítóá ibu ɔsú pú asi ntée ɔsulúv ayasi kukukuku méetalí ká ɔdwe ámúb Bulu ladwé aní tsvn aní Wíe Kristo Yesusu ámvɔ ekekéke.

9

Ahá Ání Bulu Lalé

¹ Mía Kristonyɔ anilabwé kule. Mú sv ɔnɔkwali asún ndeblí séi. Ɔye Wankíhé dé mí kpa. Mú sv mí klvɔn é de mí bláa ání mmedé afunu wa. ² Mí pi Israelfɔ sv asún ihíe de mí háan, ahumitíá imeká itin de mí. ³ Ní íbówa aléá nénya ilwí, mía Kristonyɔ nsuné béyintá, méní bénya nkpa ání itamatá kúráá á, teki nópu iwí há. ⁴ Mí pi Israelfɔ gyí ahá ání Bulu léle púbwé mv abí. Amú ɔlele mv numnyam súná. Ɖleka ntam há amú, pú mv mbala wá amú íbítɔ. Olosuná amú ɔkpa ání bóputswé mv. Ɖlebláa amú tóá alahíe ání ɔbɔpuhá amú féé. ⁵ Amú léln tsu Israelfɔ anáin akpɔnkpɔnti ámvɔ. Múa idvɔn kúráá á, amútv Kristo amv lébelv ɔsulúv anísv. Kanfú letsíá Kristo, (ɔhá amúb Bulu ladá mv ofúli amv), ogyi Bulu, ató féésú ogyípú amv bré féétó! Amen!

⁶ Íni imosuná ání Bulu asún amúb ɔleblí tsvi amv iméeba mútv. Tsúfé megyí Israelfɔ ámv féé gyí Israelfɔ onutónutó. ⁷ Megyí Abraham abí féé gyí mv abí onutó. Tsúfé Bulu lébláa Abraham ɔbéé, “Isaktɔ fú abí-aná bédali tsu.” ⁸ Íni lósuná ání megyí ahá ání botsú Abraham abí féétó gyí Bulu ahá. Abraham abí-aná amúb Bulu léhie há mv amv nkole gyí Bulu ahá. ⁹ Tsúfé tóá Bulu léhie Abraham gyí, “Néyinkí bá ofíéba sesebre. Néba a, fú ká Sara lakwí obiyímbi.”

¹⁰ Megyí íni wule. Rebeka lókwí atabí há aní náin Isak.

¹¹ Táme bréá ɔmókúnyá kwí amú, abvdan bv yilé ntée lalahewe á, Bulu lébláa Rebeka amú iwí asún. Bulu lóbwe

mú ali, méni ibósuná aní ání ɔkpa ámúú ɔtɔtsɔn mósú hɔ ahá ámu umená aní bwehésú. Mboún ina mu nkule pé apé pú aliá ɔtelé mu ahásv. ¹² Asa Rebeka ɔbókwí nyebí ámu a, Bulu lébláa mu ɔbéε, “Ɖdéhen obósum ɔkusu.” ¹³ Fé aliá bɔwanlín wá Bulu asɔn wanlínhé amɔtɔ beε, “Ntɔdwé Yakob dun Esau.”

¹⁴ Séi á, nkáli abéblí? Abéblí aniaa, Bulu asún meda ɔkpa lóó? Ekekeke! ¹⁵ Tsúfé Bulu lébláa Mose ɔbéε, “Ahá ání nówun amú nwe á, amú nówun nwe. Amú náhiéá négyi buale a, amú négyi buale.” ¹⁶ Mú sv megyí ɔha apé ntée mu nsiwa Bulu teki. Mboún mu onutó nwewúun igyi.

¹⁷ Bɔwanlín wá Bulu asɔn wanlínhé amɔtɔ beε, Bulu lébláa Egyipte owié Farao ɔbéε, “Atoku anyɔ ánti sv neyaí fú iwíε, aliá nótɔn fusu lé mí túmi súná, pú aliá ɔyítɔ ahá féé bónu mí dá, kanfú mí.” ¹⁸ Iní sv ní Bulu ɔhíé ání obówun ɔku nwe á, otowun mu nwe. Ní ɔhíé ání ɔbéha ɔku ɔbówa kluntɔ odwin é á, ɔtehá mu ɔtɔwá kluntɔ odwin.

Bulu Ɖblónya Pú Mu Ahá Nwewúun

¹⁹ Mlɔtɔ ɔku ɔbéfité ɔbéε, “Ní ali igyi ní mú á, ntogyi sù Bulu dé nyankpɔsa ipɔn ha? Ma ɔbétalí tin Bulu ɔkpa?”

²⁰ Táme nde mli fité mbée, fúgyi ma ání féle Bulu ulá? Ɖlɔ ɔbétalí fité mu ɔpwepú ɔbéε, “Ntogyi sv fapwé mí ali?”

²¹ Ahágyíalíá igyi á, ató ɔpwepú tópu obón pwé tásá odeklé. Ɖbétalí pú obón ipin kule pwé nlonyo. Ɖbópu kule bwé ɔlɔ nu ntsu, kpá nsúó wá kuletɔ.

²² Ali kén igyi há Bulu ní. Ɖbu ɔkpa lé mu ɔblɔ súná, méni ahá bówun mu túmi. Táme ɔlehiε nyá klɔn há ahá ámúú olenya ɔblɔ amúsú amu. Teki ulɔfɔn ání ɔbéhi amú. ²³ Bulu bu ɔkpa lé mu numnyam kpɔnkpɔnti ámu ɔwan ahá ámúú ɔlele yáí ání obówun amú nwe, ɔwa amú numnyam amusu.

²⁴ Amígyí ahá ámúú ɔlele yáí ámu ni. Megyí Yudafo nkuletɔ ɔlele ahá. Ɖlele ahá ání bumegyí Yudafo aku é. ²⁵ Bulu léblí mu ɔnósú ɔtáípu Hosea ɔwulótɔ ɔbéε, “Néti ahá ámúú teki bumegyí mí ahá ámu mí ahá.

Ahá ámuú tekɪ ntamakle amú asún ámu ɔbóbwe mí adwepú.

²⁶ Ɖtíné ámuú tekɪ nebláa amú mbée, ‘Megyí mí ahá mligyí’ ámu a,
 ɪwɔfɔ nɛ́tɪ mbée, ‘Bulu Ɖkɪankpapu abí’ ní.”

²⁷ Bulu ɔnósú ɔtɔ́pú Yesaia lókplɔn bláa Israelfɔ ɔbée, “Ní Israelfɔ bekléí fé ɔpu ɔnó ɪwɪ kúráá á, amótó ahá kpalobí pé nńhɔ nkpa. ²⁸ Tsúfɛ ɔbɪsasɔ anɪ Wíe obégyi ɔyító ahá fɛ́é asún, búa mú wankláán.” ²⁹ Tsúfɛ Bulu ɔnósú ɔtɔ́pú Yesaia légyankpá wanlín wá Bulu asun wanlínhé amɔtɔ ɔbée, “Ní mí Wíe Bulu, túmi fɛ́é Owíe mési anɪ abí-aná aku yáí á, tekɪ anɪ fɛ́é abéhu fé Sodom múa Gomorafɔ.”

Israelfɔ Bulu Máhogyi

³⁰ Nkáli anɪdéblí ngya? Anɪdéblí anɪaa, ahá ámuú bɔmegyí Yudafo ámu bɔmɔbɔ mbódí kuku, asa Bulu léha amú asu! Hógyi sú benya mú. ³¹ Táme Israelfɔ ámuú amú ansí lɛpɛ, buɔe mbla ámuvsu gyí, Bulu ɔha amú asu ámu bɔmetalí. ³² Ntogyi sv? Tsúfɛ bɔmɛpɛ ansí pú hógyi dúnká mú. Ʃbɔwe amú fé mbla ámuvsu gyísv Bulu ɔbótɔsun ha amú asu. Ʃni sv bɔsutíin “Ibwi ámuú ɪtelé ahá dá” ámuvsu dida kpla. ³³ Ibwi ánfɪ ɪwɪ asún bɔwanlín wá Bulu asun wanlínhé amɔtɔ bɛɛ,
 “Bulu ɔbée, ‘Mlíki!

Nɔɛpu Ibwi* tswɪ Sion wúlɔtɔ.

Ahá bósutíin ibwi ámuvsu dida.

Péli méékitá ɔhagyíɔha ání ɔlɔhɔ mu gyi.’ ”

10

¹ Mí apíó, tóá ntekle mí klɔntɔ, pú mpái ání nɔɛbɔ gyí, Bulu ɔbóhɔ mí ahá Israelfɔ. ² Nétalí gyi amú ɪwɪ adánsɪɛ mbée, amú ansí lahíé pé Bulusúm ɪwɪ, táme bɔmeyín ɔkpa ání bótɔsun músú súm mu wankláán. ³ Tsúfɛ bɔmeyín ɔkpa

* 9:33 Ibwi ámu gyí Kristo.

ání Bulu tɔtsun mósú há ahá asv. Mú sv beyírí iwí buɔe amú ɔkpa dunká, méni bégyi asv Bulu ansító. Mú alí sv bumeba iwiasí há ɔkpa ámú Bulu tɔtsun mósú há ahá asv ámu. ⁴ Ɖnɔkwali amv gyí, Kristo lómɔ Mose Mbla ámu fée ɔnó. Mú sv ɔhagyíha ání ɔlɔhɔ mv gyi obégyi asv Bulu ansító.

Nkpahóo Bv Inu Há Ɖhagyíha

⁵ Mose lówanlín tsú ɔhagyíha ání ɔteki mbla ámu ání mósú Bulu ɔbótsun tsu mv ání mv asún da ɔkpa iwí ɔbé, “Ɖhagyíha ání otegyi mbla ámusv ɔbótsun mósú nyá nkpa.” ⁶ Táme hógysv butɔtsun gyi asv Bulu ansító. Bulu asv wanlínhé amv léblí ɔbé, “Máfíté iwí fée, ‘Ma ɔbóɔv yó ɔsúsú?’ ” (Fefíté alí á, ilosuná ání fýɔɔv Kristo tsúa ɔsúsú ba.) ⁷ Ntéé fíté iwí fée, “Ma ɔbékplí yó ɔsolúv ayasi?” (Fefíté alí á, ilosuná ání fýɔɔv Kristo tsúa afúlito ba.) ⁸ Mbóun asún ání Bulu asv wanlínhé amv léblí gyí, “Bulu asún ámu uma ifó fú wá. Ibv fú ɔnótó, Ibv fú klvntɔ dodo.” Asún ámu gyí hógyi asún ámú anidéblí ámu ni. ⁹ Ní fobwíí ɔnó blí fée, “Yesu gyí aní Wíe,” fɔpú fú klvnt fée hogyi ání Bulu lókusúa mv tsú afúlito á, Bulu ɔbóhɔ fv nkpa. ¹⁰ Tsúfé iklvnt ɔha tɔpóhɔ Kristo gyi. Fówun Bulu obótsu mv ání mv asún da ɔkpa. Ɖnó é ɔha tɔpúblí ɔbé, Yesu gyí mv wie, méni Bulu ɔbóhɔ mv nkpa. ¹¹ Alí kén Bulu asv wanlínhé amv léblí ɔbé, “Péli méekítá ɔhagyíha ání ɔlɔhɔ mv gyi ekekeke” ní. ¹² Iní sv umefáhun ání Yudayin fvgyi, ntée fumegyí Yudayin. Tsúfé owíe ɔkule pé asi amú fée bubv. Ɖbópv mv yilébwe gyi ahá ání bosu kpolí mv fée buale. ¹³ Alí kén Bulu asv wanlínhé amv léblí ɔbé, “Ɖhagyíha ání otosu kpolí aní Wíe obénya nkpa” ní.

¹⁴ Táme nkálí bétalí su kpolí ɔhá ání bumɔhɔ mv gyi? Nkálí bétalí hɔ ɔhá ání bumɔkónú mv iwí asún gyi? Nkálí bónu mv iwí asún ní ɔhaa méda mó ɔkan súná amú? ¹⁵ Nkálí bétalí dá mó ɔkan súná amú, ní bumɔkúwá

amú? Bulu asun wanlínhé amu léblí ɔbéé, “lhié bu akíle ání fówun ání ɔha ɔbá beɗa Bulu asun wankláán ɔkan!”

¹⁶ Táme megyí Israelfɔ fée lóhɔ Bulu asun wankláán ámu. Tsúfɛ Bulu ɔnósú ɔtáipú Yesaia lówanlín wá mu ɔwulótó ɔbéé, “Mí Wíé, ɔhaa móhɔ aní asun blíhé amusu gyi.”

¹⁷ Táme asun wankláán ámu téhá butohogyi. Ina Kristo asón ánfí blísú ahá butonú mu asón. Mú nu sù ahá butɔhɔ mu gyi.

¹⁸ Mbée, beɛ nú bumonu asón ámu? Bonu! Tsúfɛ Bulu asun wanlínhé amu léblí ɔbéé,

“Amú ɔme lawíé ɔyító fée,
ámú asón é lawíé tsútsúútsú.”

¹⁹ Ntráa fitɛ. Israelfɔ bumonu mu asón asi? Múá Mose lébláa amú gyankpapu gyí,

“Bulu ɔbéé, ‘Nópu ɔmá ání bumegyí Israelfɔ wá mli ansipɛɛɛ.

Nóyulá ɔmá mímláhe pówá mli ɔbló.’ ”

²⁰ Bré bámbátó a, Yesaia lówa klun bláa amú ɔbéé, “Bulu ɔbéé,

‘Ahá ání bumédé mí dunká lémentí mí.

Ahá ání bumɛfité mísú nele iwí ɔwan súná.’ ”

²¹ Táme Israelfɔ ámu mú á, Bulu léblí amú iwí asón ɔbéé, “Íniá natéí ibitɔ bré fée ání nóhɔ amú atúu ó á, butráa buɗe asutɔ-ɔnlun wa. Bumédé mí bu.”

11

Bulu Israelfɔ Nwewúun

¹ Nɛ mli fité mbée, mú su Bulu lakíná mu onutó ahá léle? Ó-o! Mí onutó ánfí óó Israelyin ngyi. Abraham abí-anátó notsú. Benyamin abusuantɔ obí ngyi. ² Megyí beɛ Bulu lakíná mu onutó ahá amúbú ɔlele amú yáí ámu. Mlikaun alí amúbú Bulu asun wanlínhé amu léblí tswi ɔbéé, Bulu ɔnósú ɔtáipú Elia lékla Israelfɔ iwí asón súná Bulu amusu. ³ ɔbéé, “Mí Wíé! Israelfɔ bamó fú ɔnósú atáipú fée. Babwíé fú afɔɗiɛ-asubwi é fée. Ilasí mí nkukúnú nkule.

Budekléá bómō mí é.”⁴ Bulu léha Elia mbuai obéé, “Ó-o! Megyí fú nkule lásí. Tsúfé nalé ahá mpím-sienó (7,000) ání bumakótswe okpí Baal* kí há mí iwí.”⁵ Alí ígyi nde nke ánfito é ní. Bulu lawá awitole lé Israelfo kpalobí aku yáí.⁶ Ní alawá awitole lé aha aku á, múmú itráa megyí oha bwehé su obéle mu. Tsúfé ní ina ahá bwehésó mú á, teki mu awitole amu ilesian.

⁷ Mú nkáli ilegyi? Israelfo ibi mēda itó ámúú bēpe ansí buDEDUNKÁ ámu. Amútó ahá kpalobí akvá Bulu léle yáí nkule ibi léda mú. Oleha atráhe bowa asoto-onlu bréá ode ahá ti.⁸ Bulu asun wanlínhé amu léblí obéé, “Bulu léha ulēlu amú owóli. Mú su bótu nde bumetáli pú amú ansíbi wun ató, pú amú asu é nú asún.”⁹ Owíe Dawid é léblí obéé, “Amú odwe ogyíkpa ibwée mpúsa abuda mútó. Ibwée agbláa, ikpa kita amú.

Ibwée ima, abusrei dida mútó, ibwe isubití ha amú.

¹⁰ Ansító iklún amú, mēni buméetrá wun ató.

Ha abutsia ipianto bré féé.”

¹¹ Mú su ntráa ndefité mbéé, Yudafó basréi dida, buméetali trá kusú? Ekekeke! Amú lakpan su Bulu lóhó ahá ání bumegyí Yudafó nkpa. Fówun ipe amú ansí.

¹² Séi á, anyin ání Yudafó lakpan sú omá féé banyá ato wankláán. Amú dida lawá labi há ahá ání bumegyí Yudafó. Ní belányá nkpahó mú á, múmú labi ání ahá ání bumegyí Yudafó bénya uma blító.

Ahá Ání Bumegyí Yudafó Nkpahó

¹³ Ahá ání mlumégýí Yudafó, mli nde asún ánti bláa गया a. Kristo sumbí oyopú gyi. Olowa mí sumbí mli wá. Mí gymagyihe legyi mi ansí.¹⁴ Fíali nétali há mí ahá Yudafó ansí bēpe, fówun Bulu obénya okpa hō amútó aku nkpa.

¹⁵ Bréá Bulu lédamlí oma há Yudafó á, ulēha omá atráhe

* 11:4 Baal gyí okpí okvá ahá ámúú begyankpá tsíá osulúv amusu asa Israelfo beba betsiá unv ámu bosúm.

fée bəbwe Bulu anyawíe. Ní igyi alí mú á, brégyíbréá Bulu ɔ́bóhə amó é á, ɔ́bɔ́bwe fé afúli fée bakúsú tsú afúlitə.

¹⁶ Ní belé təkɔtə gyankpapu há Bulu igyí a, múmú ɪtə ámu fée igyi mu kle. Ní Bulu bú oyí nlin á, idesuná ání oyí ámu abámbi é igyi mu kle. ¹⁷ Bekpalí oyí bámbi pú bambá tsá mósú. Yudafə gyí oyí ámu. Mli ahá ání mlumégyí Yudafə gyí bámbi bambá ámuú bapú betsa mósú ámu, méni mlénya oyí ámutə ntsu wankláán ámu kv. ¹⁸ Mú alí sv á, mlumáki mliaa mli dun oyí ámu onutə abámbi amú Bulu lékpalí lé ámu. Mlumátsu ɪwí amó ansítə, tsúfé oyí ámu nlin tamanu ntsu lé mliɔ. Mli mboún tonu ntsu lé mótə pódan.

¹⁹ Fíalí mli aku mléblí mliaa, “Bekpalí abámbi amu, méni aní é abénya oyíkpa.” ²⁰ ɪbu mótə alí. Itsú alíá Israelfə bumohogyi sú Bulu lékpalí amó tsítsá. Mli é mli hógyi sú Bulu lapú mli tsá mósú. Mú sv mli máha nwuntə ɪwa mli ɔdwe. Mliha ifú ɪkita mli. ²¹ Tsúfé Israelfə ámuú bugyi oyí ámu onutə abámbi kúráá bəbwe lakpan, Bulu lébití amú ɪsv, mú mli? ²² Séi á, mli lawun ání Bulu bu awítəle, táme mu asún bu ɔnlun. ɔbu ɔnlun ahá ání badida hógyitəsv. Táme alawá awítəle há mli. ɔbówa awítəle há mli ní mli ansí dun musv. Ní megyí alí á, ɔbébití mli ɪsv mli é. ²³ Táme ní Yudafə ámuú besi mu hógyi amu beyinkí bəhə mu gyi a, Bulu ɔbélapú amó tsá oyí ámusv. Tsúfé ɔbu túmi ání obéyinkía amó tsá. ²⁴ Mli ahá ámuú mlumégyí Yudafə ámu mú á, oyí laláhe bámbi mli gyí, bəpu mli tsá oyí ámusv. Teki ɪma ɪnv alí. Israelfə mú á, oyí wankláán ámu onutə abámbi bugyi, bekpalí amó tsítsá. Mú sv amó yinkía yi mú yintisu móɔwa ɔnlun há Bulu.

Bulu Towun Ahá Fée Nwe

²⁵ Mí apíó, asv n̄áinhé kv bu ɪnvá ndekléá mli b́i, méni mli méeki mli ɪwí ání mli létun ansí dɔbi. Asún ámu gyí, Yudafə ámu aku bəbu asvɔ-ɔnlun. Bówa asvɔ-ɔnlun alu

bofun bréa Bulu lahá ahá aní bumegyí Yudafo féé baba mu wá. ²⁶ Mú ɔma a, Bulu ɔbóhɔ Yudafo féé nkpa. Bulu asún ámu lébli ɔbéé,

“Sion wúluto Nkpa ɔhópu amu ɔbélu tsu.

ɔbéba beha Yakob abí-aná féé bési lalahe bwe.

²⁷ Íni gyí ntam aní néka há amú bréa néle amú tsú amú lakpantɔ ní.”

²⁸ Íniá Yudafo ámu bumohɔ asun wankláán ámu su gyi su á, bemlí Bulu alupó, méni ibówa labi há mli ámbú mlimégyí Yudafo ámu. Táme íniá bugyi ahá aní Bulu léle su a, amú anáin su otekle amú asún. ²⁹ Ní Bulu ɔlé ɔku ntée ɔpú mu atokiehé há ɔku á, ɔtamatráa tse mu agywun. ³⁰ Bré kɔtɔ á, mli ánti mlimégyí Yudafo ánti mlimóbu Bulu. Táme séi á, Yudafo bumedé Bulu bu. Mú su Bulu lawun mli nwe. ³¹ Ali kén Bulu ɔbéba bowun Yudafo ámbú bumedé mu bu ámu é nwe fé aliá alawun mli nwe ní. ³² Tsúfé Bulu lótsu mú aní ahá féé bobu asutɔ-ɔnlun, aliá ibóbwe obówun amú féé nwe su.

Mliha Akánfo Bulu

³³ Óo, mliki Bulu awitɔle wole! Mu nyánsa pú mu asúnbi ma ɔka! Ma ɔbétalí bí mu ɔkpa pú mu asúngyítɔ?

³⁴ Bowanlín wá Bulu asun wanlínhé amutɔ beé,
“Ma yín ani Wíe nwuntɔ?

Ma ɔbétalí súná mu asún? ɔhaa má inu.

³⁵ Ma lápú tɔku há mu, ɔde ɔkpa kíá ɔbélaka mu ikɔ?”

³⁶ Bulu lóbwe tógyítɔ. Mubú tógyítɔ. Tógyítɔ bu inu há mu. Kanfó ibwée mu kle bré féétɔ. Amen!

12

Tsiátóá Butɔpúsum Bulu

¹ Íniá Bulu híé ɔde ani nwe wúun ali su á, mí apió, nde mli kokóli mbéé, mli pu mli iwí féé ha Bulu mli nkpatɔ. Ibwée fé igyi ahatɔ wankíhé ha mu. Íni gyí osum aní itsú kluntɔ, ilegyi mu ansí ní. ² Mlimáha ɔsulúv anfisv atsiábi

igyi mliṣu. Mliha Bulu ɔtse mli agywun, iha mli tsiátó itse. Fówun mlétalí bí ání Bulu apé bu alé, ibu ɔdwe, ulɔfon.

³ Bulu agyómá á múú alawá awitɔle púhá mí ámṣu nde mliṣo okugyíoku bláa mbéε, ɔhaa máki mu iwí dáfá alá ogyi. Ɔhagyíɔha ɔbá ansí asi, ɔki ání ɔmɔdun hógyi amúú Bulu lapúhá mu amu. ⁴ Nyankpusa-oyí iwí ató aní fée anigyí. Ntóbí ámṣo kugyíku bu mú gyuma ání itegyí nyankpusa-oyí ámṣu. ⁵ Alí kén ibu mótó ání anitsó, táme ania Kristonyɔ anilabwé ɔyulúv ɔkule ni. Mú su anigyí ntóbí ɔtsan-ɔtsan ání anitsátsáa abasu, anilóbwe ɔyulúv ɔkule amu. ⁶ Bulu atokiehé á múú ɔleha aní ámu ina ɔtsan-ɔtsan. Ilehián ání aní fée abópu mu atokiehé ámu yó agyómá ató á múú ɔleha aní ámu ɔnó. Mú su ní ɔku atokiehé gyí Bulu ɔnó asúnblí á, ɔhá ámu ɔbwée mú alá mu hógyi losuná mu. ⁷ Ní ɔku klé gyí mu aba ahógyipu buá a, ɔbúa amú. Ní ɔku klé gyí ató suná á, osúna mú. ⁸ Ní ɔku klé gyí ahá atetɔ-ɔnlun wa á, ɔwá ahá atetɔ-ɔnlun. Ní ɔku é klé gyí ató kie á, ɔlé iwitɔ okie mú. Ní ɔku klé gyí ahá ɔnó lú á, ɔwáa nsi ɔbwe mú. Ní ɔku klé é gyí ahá nwe wúun a, ɔbwée mú ɔdwetɔ.

⁹ Mliṣu ahá tsu mli klontɔ. Mlikisi lalahe kugyíku. Mlikita yilébwetɔ kínkínkín. ¹⁰ Mliha mli ansí ipe mli aba Akristofɔ dwesɔ, amlibu aba wankláán. ¹¹ Mlimáha mli nsiwa bwé ató ɔnó iba asi. Mliha Ɔhe Wankíhé amu ɔwa mli ɔwunlín, amlisum aní Wíε. ¹² Mli ɔkpakí amu su mlunya ansigyí, amlilu kínkín mli ipiantɔ. Mlibɔ mpáú bré féeétó. ¹³ Mlibua mli aba Bulu ahá ání bubu ikplántɔ. Mliyiri iwí ho afó.

¹⁴ Mliyula ahá ání budun mliṣu. Mliyula amú, mlumálwú amú. ¹⁵ Ní aku bude ansigyí nya á, mliha amónyɔ mlunya ansigyí. Ní aku budesú é á, mliha amónyɔ mliṣu. ¹⁶ Mli fée mlitsia wankláán. Mlumátsu iwí. Mlipu iwí manta ahá ání ahá butamabú amú. Mlumáki mli iwí ání mlidun aku.

¹⁷ Ní òkú òpú lalahē gyi mli á, mli mápv lalahē ká mu ikò. Mli bō mbódí amlibwē tóá ibu aléá ahá fée bótsulá dínká músú. ¹⁸ Aliágyialíá igyi mli mú á, iwilwii itsía mliá òhagyíòha nsiné. ¹⁹ Mí apíó adwepú, mli mápv lalahē ká mli aba ikò. Mlisi tógyító ha Bulu. Tsúfé bōwanlín wá Bulu asún ámutò bē, “Bulu òbē, ‘Mí, mli Wíe téká ikò. Mí òbéka ahá akò amú lakpan sv.’ ” ²⁰ Bulu asun wanlínhé létrá blí òbē, “Ní akún de fū olupú á, ha mu ató ogyi. Ní òmewúli de mu a, ha mu ntsu onu. Ní fōbwé mú ali á, ibéha péli békítá mu òbétse.”* ²¹ Mli máha lalahē igyi mli sv, mboún mli bwe yilé púgyi lalahesv.

13

Iwiasibá Ha Òmá Akpapú

¹ Ilehían ání òhagyíòha òbéba iwiasí há òmá akpapú. Tsúfé Bulu téhá òmá akpapú túmi. Òmá òkpapú òkuku má unvá megyí Bulu léyaí mu. ² Ínu sv ní òkú òkúsú líí òmá òkpapú òkusu á, alakúsú líí Bulu túmisv. Mú sv òhá ámu dé isvbití klé ha iwí. ³ Tsúfé òmá akpapú bomegyá yilé abwepú, lalahē abwepú bgya. Mú sv ní fumedékleá funyáa òmá akpapú ifú á, múmú bwe yilé abukanfu fú. ⁴ Bulu osúmbi òhagyíòha ání bapú mu yáí òmá ònó gyí. Mli yilé sv bude agyómá yò. Táme ní òkú dé lalahē bwe á, múmú obénya amú ifú, tsúfé bubu òkpa bití ahá isv. Bulu asúmbi bgyi, òleha amú òkpa ání bvbítí lalahē abwepú isv ha mu. ⁵ Ínu sv òhagyíòha òbá iwiasí ha òmá akpapú. Megyí bē bude ifú nya ání bēbití amú isv nkule sv. Mboún amú klun dé amú bláa òbē, ilehían ání bóbu amú.

⁶ Ínu kén sù ilehían ání mléka tswtswí é ní. Bulu asúmbi òmá akpapú bgyi. Bapú amú bré fée bude òmású kí. ⁷ Mlika ikò kugyíkvá idin mli sv. Mlika tswtswí múa

* 12:20 Igyi fé fakpá ogyá wólí mu òtántra.

lampóo. Obú òkpasú á, mlibu amú féeé. Ní igyi kanfú é á, mlíkanfu amú féeé.

Abadwe

⁸ Mlumákítá òhaa ikò dún mlí abadwe. Ní òku dé mu aba dwe á, òde mbla ámu féesú gyí. ⁹ Mose Mbla ámu léblí òbéé, “Mátò mbua.” “Mámò òha.” “Máwi atò.” “Mápe ansí fú ba atósú.” Íni pú mbla tráhe amu féeé nwun gyí mbla kule ámúú ileblí òbéé, “Dwe fú bá fé fú iwí” ámu. ¹⁰ Ní òku dé mu ba dwe á, òmòòpu lalahé gyi mu ekekekeke. Íni su òhá ání òtòdwé mu aba lagyi mbla ámu féesú.

¹¹ Mlí onutó mliyin bré oduátó anibu. Bré lafún ání mlétsinkí, tsúfé aní nkpahóò lafún ta dún bré ámúú anilégyankpá hò Kristo gyi amu. ¹² Onyé detsúvun, òyi lake ta. Mú su mliha asi oklúntò bwehé féeé bwe, atsu aní òyi kehètò akotó tsan. ¹³ Mliha aní tsiátó iwwe fé ahá ání butsie wankító. Mlumáha ayinta aní bré yetsiá òdwe ogyíkpá, anidé atò dedé gyí, anidé ntá núu bu. Animáwa atsi múa ayin asún. Animáwa ònsípe, animátre kó. ¹⁴ Mboún mliwu aní Wíe Yesu Kristo tin mlí iwí. Mlumátrá tsiá tsiátó dada amúú mlí òwólí lalahé tekle amu.

14

Akristofò Ilále Òkpa Laláhesu

¹ Mlihò mlí aba Akristofóá buma òwunlín hógyitò wa mlitò. Ní bée tòku bu alé ntée uma ale a, mlumágyi amú nwéén. ² Òku lóhogyi ání òbu òkpa gyi tógyító, táme òku é hógyi ònó uma ònlun. Mú su òtamagyi iye. ³ Òkpa má unvá òhá ání òtegyi tógyító òbéle òhá ání òtamagyi tòku ilá. Alí kén òhá ání òtamagyi tòku é òmále òhá ání òtegyi tógyító ilá ní. Tsúfé Bulu lahò amú. ⁴ Fúgyí ma ání féha òku osúmbi pón? Mu wie nkule pé búu òkpa ání òbéblí òbéé, òtsie wankláán ntée ometsie wankláán. Òbétalí tsiá wankláán, tsúfé Bulu òbétalí há mu obétsiá wankláán.

⁵ Ɔku ɔbɛtalí blí ɔbɛɛ, eke ku dun mú aba, ɔku é ɔbɛblí ɔbɛɛ nke ámu fɛ́é igyi kule. Ɖhagyíɔha ɔyɔ mu kluntɔ wankláán, otsu múá ibu alé. ⁶ Ní ɔku ɔlé eke ɔku ɔbɛɛ igyi eke yílé á, ɔde músú gyí pɔtsú Bulu fúá. Ní ɔku é tegyi tógyító á, ɔde mú gyí pɔtsú aní Wíe fúá. Ní ɔku é tamagyi iye a, mu é ɔde mú kisi pútsú aní Wíe fúá. Tsúfɛ́ amú fɛ́é butedá Bulu ipán músú. ⁷ Anitɔ ɔhaa métsie nkpa há mu iwí, anitɔ ɔkuku é móowu há mu iwí. ⁸ Ní anitsie nkpa á, anitsie ha aní Wíe. Awú é á, anilawú há mu. Mú sv ní anilawú o, anitsie nkpa o, aní Wíe bú aní. ⁹ Tsúfɛ́ Kristo lówu, yínkí kúsú ba nkpatɔ, méní ɔbóbwe akiankparu pú awupú fɛ́é Owíe. ¹⁰ Íni sv imehián ání fɛ́ha fú bá ipón ntée fɛ́ki fú bá ansító kótíkótí. Tsúfɛ́ aní fɛ́é abéyélu Bulu ansító, obégyi anitɔ okugyíaku asún. ¹¹ Bɔwanlín wá Bulu asún ámutɔ beɛ, “Aní Wíe Bulu ɔbɛɛ,
‘Nanyá mbu nkpa ánfí á,

ɔhagyíɔha ɔbɛda akpawunu mí ansító;
ɔhagyíɔha ɔbɛ́le blí ɔbɛɛ, Bulu ngyi.’ ”

¹² Mú sv anitɔ okugyíaku ɔbɛ́le mu asún ɔnó Bulu ansító.

Máha Fú Bá Ɖɔɔda Mu Hógyito

¹³ Mú sv mliha asi aba ulá le. Mboún abwée agywun ání anumɔbwe tɔtɔá íbɛ́ha aní bá ɔkuku méesrei ntée dɔda. ¹⁴ Séi íná namlí Okristoyin sv nabí ání atogyihe kuku má unvá mu iwí metun. Táme ní Kristoyin ɔku lóhógyi ání tɔku iwí metun a, múmú mu wá mú iwí metun. ¹⁵ Ní fútegyi tɔku, ide fú bá háan a, múmú fú bwehé medé ɔdwe suná. Máha fú atogyihe iha fú bá ání Kristo lówu há mu ɔfwí. ¹⁶ Mú sv máha tɔ́a foyin ání ibu alé ibwe tsitsa ahá ansító. ¹⁷ Tsúfɛ́ Bulu iwíegyi ámu imegyi atogyihe ntée atonuhe asún, mboún yilébwe, iwilwii pú ansigyí ání itsú Ɖhe Wankíhé amutɔ asún igyi. ¹⁸ Ɖhagyíɔha ání otosúm Kristo ɔkpa ánfisv á, mu asún tegyi Bulu ansí. Ahá é butobú mu.

¹⁹ Ɔni su mliha anɔ ansɔ ɔpe tɔ́a ɔbɔpu iwilwii ba, ɔbɔwa apɔ́o aba ɔwunlɔn hɔgyitɔsu brɛgyɔbrɛ. ²⁰ Mɔ́yintá Bulu gyumagyihe fɔ atogyihe su. Ɔkpa bu unvá abɛtalí gyi tɔ́gyítɔ, táme ní ɔku dé tɔ́a ɔbéha mu ba ɔbɔbwe lakpan bwe mú á, uma ale. ²¹ Ní ɔku tamagyi iye ku, ntée nu ntá ntée bwé tɔ́a ɔbéha mu ba ɔbédida á, ɔbu alé. ²² Mú su tɔ́gyítɔ́a fohogyi tsu ntɔbí ánfɔ ɔwɔ á, ha mú ɔbwe fɔ́a fɔ́ Bulunyo nsiné asún. Ní ɔku opúni medé mu tsíí mu bwéhésú á, múmú ɔkláa lawá mu ogyá. ²³ Táme ní mu klɔn medí mu asɔ mu atogyihe ku gyi su, ogyi mú á, Bulu lahá mu ɔpɔn dodoodo. Tsúfé mu atɔ́ ámu gyi melíí hɔgyisu. Tɔ́gyítɔ́a ɔha mɔ́pu hɔgyi bwé igyi lakpan.

15

Ahá Ansísú Atɔ́ Bwe

¹ Ɔlehián ání anɔ ahá ání anɔ hɔgyi ɔnɔ bu ɔnlɔn abénya klɔn há ahá ání amú hɔgyi ɔnɔ uma ɔnlɔn. Megyí tɔ́a ɔletsíá anɔ wule abɔ́bwe. ² Ɔlehián ání anɔtɔ okugyíɔku ɔbɔ́bwe tɔ́a ɔbu alé há mu ba, méni ɔbéha mu ɔbédan hɔgyitɔ. ³ Tsúfé Kristo kúráá mɔ́bwe tɔ́a mu onutɔ otekle. Mu ɔwɔ asún bɔwanlɔn wá Bulu asún ámutɔ bɛɛ, “Asiabí ámutú besia fɔ́ ámu féé ɔlɛbedinká mísú.” ⁴ Asún kugyíkúá bɔwanlɔn wá Bulu asún wanlɔnhé amutɔ tsú titutɔ a, bɔwanlɔn mú ání ɔbɔ́suná anɔ atɔ́, wá anɔ atɛtɔ-ɔnlɔn, atomi lu kinkíínkín. Fɔ́wun abénya klɔn kɔ ɔkpa ha atɔ́ ámutú anɔ ansɔ dɔn mɔ́sú ámu. ⁵ Bulu téhá ahá butenyá klɔn. Mutɔ́wá ahá atɛtɔ-ɔnlɔn. Nde mu kulí mbée, ɔhá amlɔbwe kule, fé alíá Kristo Yesu lɔ́suná anɔ. ⁶ Ɔni ɔbéha mli féé mlɔ́pu ɔme kule kánfú Bulu, ogyi anɔ Wíe Yesu Kristo mu Si ámu ni.

Ahá Ání Bomegyí Yudafo Asun Wankláán Bláa

⁷ Ɔni su mliha aba atúu fé alíá Kristo lóhɔ mli, méni ɔbɔ́wa Bulu numnyam. ⁸ Tsúfé nde mli bláa mbée, Kristo labwé Yudafo osúmpú, méni ɔbɔ́suná ání Bulu obégyi mu

tó ámuú òlehie amú anáin amusu. ⁹ Kristo léba, méni ahá ání bumegyí Yudafó bétí Bulu idayilé, nwe ámuú olowun amú ámu su. Fé alíá Bulu asun wanlínhé amu ileblí. Asún ámu gyí,

“Ani Wíe Bulu, íni su nówa fò numnyam ahá ání bumegyí Yudafó ansító.

Nówa ilu kánfú fú.”

¹⁰ Bulu asún ámu létrá blí òbée,

“Mli ahá ání mlumegyí Yudafó, mliá Bulu ahá mlunya ansigyí!”

¹¹ Betrá wanlín beε,

“Ahá ání mlumegyí Yudafó féé, mlíkanfu aní Wíe Bulu.

Ọmá féé abí, mlíkanfu mu.”

¹² Bulu ọ́nósú ọ́ọ́pú Yesaia é léblí tswi òbée,

“Ọha ọ́ku òbélín tsu aní náin Yisai* abí-anátó.

Mu obébegyi iwíe ahá ání bumegyí Yudafósu ní.

Musú bédinká ansí ní.”

¹³ Buluá buteki ọ́kpa há ogyi. Nde mu kokóli mbée, ọ́há iwí lwii mli, ansí igyi mli amlíhọ mu gyi. Mu Ọ́je Wankíhé ọ́háa mli túmi, méni mu ọ́kpakú móọ́kpon mli.

Tóá Svá Paulo Léle Iwító Wánlín Ató Alí

¹⁴ Mí apíó Akristofó, mí onutó nhíé nyin ání aha wan-kláán mligyí, mlilabí asún tsotsọ́tsọ́, mlétalí tóí kplá aba.

¹⁵ Táme nawá klun nhíé nde mli asún bláa ọ́wulú ánfító púkáín mli. Tsúfé Bulu lawá awítóle pú agyómá ánfí wá mí ibító òbée mbwée. ¹⁶ Múgyí, mbóbwe Kristo Yesu osúmbi ahá ání bumegyí Yudafótó. Mú su nde osum agyómá ánfí yọ́ fé Bulu igyi ọ́hapú. Nde ahá ámuú bumegyí Yudafó ámu Bulu asun wanlínhé ámu bláa, méni bémlí igyi aható ání Ọ́je Wankíhé latin mú iwí, ilegyi Bulu ansí. ¹⁷ Íniá mliá Kristo Yesunyọ́ anlabwé kule su á, mbu ọ́kpa tsú iwí agyómá ánfí ndeyọ́ há Bulu ánfí su. ¹⁸ Tsúfé mméetalí

* 15:12 Yisai lókwú Owíe Dawid ání ogyi Yesu Kristo mu nain.

blí asvansv tsía atóá Kristo latsun mí asun blíhé pú mí bwehésú bwé ahá ání bumegyí Yudafɔtɔ, ménı bóbu Bulu. ¹⁹ Ina ofúla múa osúna amúbú nɔbwe Bulu Ɖhé ámu túmito ámusv netalí dá Kristo asun wankláán ámu fée ɔkan, tsú Yerusalem alu yédaıı Iliriko ɔsulúsv. ²⁰ Tóá idın mí klınsv bré fée, ndekléá nóbwe gyí, nénatí dá Bulu asun wankláán ámu ɔkan ntínéá bumakónyá nú Kristo asún kı. Mmedékléá nótvá ɔkv gymagyihesv. ²¹ Tsúfée bɔwanlın wá Bulu asún ámutɔ bæ,

“Ahá ání bumakónú mv nka kı bówun mv,
áhá ání bumakónú mv asún kı é bónu mú ası.”

Paulo Roma Ɖpasua Yésınáa

²² Ínı láhá mmakónyá ɔkpa ba mlı wá bɔtv nde ní. ²³ Táme séı mú á, mí agyómá lamó ɔnó nfi fúnsú. Nfi tsɔtsɔtsɔ ní ndekléá néba mlı wá beki mlı. ²⁴ Mú sv nabwé agywun ání ní ndetsúun nɔyó Spania a, nótsun kı mlı. Agyi ɔdwe kpalobí á, mlılasí mí ɔkpa nayó unv. ²⁵ Séı á, nabwé agywun ání négyankpá yó Yerusalem, yóbvá Bulu ahá ání bubv unv. ²⁶ Tsúfée Akristofáá bubv Makedonia pú Akaia ɔsulúsv bapú ɔdwe dúnká ató buɔepusísı Bulu ahá ání bvgı ahiánfɔ Yerusalem. ²⁷ Ibv amú ɔdwe ání bóbvá ahiánfɔ. Bawun ání ilehián ání bóbvá Yudafɔ é ká ikɔ. Tsúfée banyá Ɖhéétó ató, nú nkpahóó asún ámu tsú amú wá. Mú sv ilehián ání bódunká ɔyító ató kv há amú é. ²⁸ Ní nɔpú kóba ání bɔtswıtswı ha mí fée wá amú ıbıtɔ á, nóbɔtsun mlı wá yó Spania. ²⁹ Nyin ání ní nebá á, nópv Kristo oyúla kpɔnkpɔɔnkpɔntı ba mlı.

³⁰ Mı apıó adwepú, ndepv anı Wıe Yesu Kristo pú ɔdweá Bulu Ɖhé lahá mlı há mlı aba kókólı mlı mbée, mlılıú mí ɔma, amlıbɔ mpái ha mı kínkíínkín. ³¹ Mlıbɔ mpái mlıaa, Bulu ɔléé mí tsu Yudafɔ amúbú bumɔhɔ mu gyı amv ıbıtɔ. Mlıbɔ ha mı, Bulu ahá ání bubv Yerusalem unv abvɔhɔ ató amúbú napú neya amú ámu. ³² Fówun ní Bulu lótsulá á, néba

mli wá ansigyí kponkpɔnkpɔntito, beda ɔkpónú. ³³ Buluá ɔtehá iwilwii, otsía mli fée wá. Amen!

16

Itsiáha

¹ Nde opio tsihé Foibe le súná mli. Kenkrea wúluto ɔpasuato ahande ɔbuápu ogyi. ² Mliho mu anɩ Wíe Yesu dátó aliá ilekanaá ání Bulu ahá bóbwe, amlibva mu ɔkpagyíɔkpasu aliá odeklé. Tsúfé mu onutó alabúba ahá tsɔtsɔtsɔ, alabúba mi é.

³ Nehá Priska mua mu kulu Akwila fée tsiá. Mía amúnyɔ létsiá bwé anɩ Wíe Kristo Yesu agyómá. ⁴ Bɔpu amú iwɩ há ání bówu mí su kóráá. Nde amú ipán da wankláán. Megyí mí nkule. Akristofá bomegyí Yudafɔ ɔpasua fée bude amú ipán da. ⁵ Nehá ɔpasua amúú betsiá fia amú wóyító ámu é fée tsiá.

Nehá mí ɔdwepú Epaineto tsiá. Mulegyankpá ho Kristo Asia ɔmátó fée ní. ⁶ Nehá Maria amúú olowun ipian mli su ámu tsiá. ⁷ Nehá mí aba Yudafɔ Androniko mua Yunia tsiá. Bawá mía amúnyɔ obu ki. Bogyi Kristo sumbí ayɔpú ání obú bu amúsú. Begyankpá ho Kristo asa natá bɔho.

⁸ Nehá mí pío ɔdwepú Kristotɔ Amplia tsiá. ⁹ Nehá anɩ Kristo agyómá ɔyɔbá Urbano mua mí nyáwíe kláklá Staki tsiá. ¹⁰ Nehá Apele amúú alalé súná wankláán ání alapú mu iwɩ há Kristo amv mua Aristobulo abusuanfɔ fée tsiá. ¹¹ Nehá mí bá Yudayin Herodion tsiá. Nehá Narkiso abusuanfɔ ání bogyi Akristofɔ tsiá.

¹² Nehá Trifaina mua Trifosa, bogyi atsi amúú bude Kristo agyómátó kínkínkín ámu tsiá. Nehá mí ɔdwepú tsihé Persi, ɔde Kristo agyómá yɔ kínkínkín ámu é tsiá. ¹³ Nehá Rufo mua mu yin amúú mí é nteí mu mí yín ámu tsiá. Rufo gyí anɩ Wíe agyómá ɔyɔpú ání alahɔ dá agyómá ámutɔ. ¹⁴ Nehá Asinkrito, Flegon, Herme, Patroba, Herma pú apío Akristofɔ amúú bubu amú wá ámu fée tsiá. ¹⁵ Nehá

Filologo, Yulia pú Nereo mua mu pio tsíhé pú Olimpa mua Bulu ahá ámbú bubu amú wá ámu fée tsíá.

¹⁶ Mlilata aba puta Bulu ɔdwetɔ. Kristo ɔpasua ámu fée bude mli tsíá ha.

Tóá Roma Ahógyipu Amu Bubwée

¹⁷ Apío, nokókóli mli, mliki wankláán, méni mlétali wun ahá áni bubu mlitɔ, bude mli dasáin. Ali ahá ámu butehá ahá butedida hógyito. Amú atosunáhé tedá mú ámbú nosuná mli ámu mó. Mlikula iwɪ le amúsú. ¹⁸ Tsúfé ahá ámu odu á, megyí anɪ Wíe Yesu Kristo budesúm. Amú ɔwólɪ laláhe budesúm. Bapú amú ɔnɔwankɪ pú ahákanfú buna bude ahá áni bumeyín ɔlala mlé. ¹⁹ Táme mli mú á, ɔhagyíɔha lanú alíá mlilapú mli iwɪ há Kristo. Mú su ibu mi ɔdwe, ansí de mí gyi wankláán mli su. Táme ndekléá mlítún ansí, amlibi tóá ibu alé. Mlimáwa ibi lalahetɔ. ²⁰ Bulu téhá anɪ iwilwii. Imóɔwa ɔpá á, ɔbétsa Satansu mántá ɔslóbú tántáántán, mlélú mvsu.

Anɪ Wíe Yesu Kristo ogyíi mli buale, ɔlu mli ɔma.

²¹ Mí bá agyómá ɔyɔpú Timoteo dé mli tsíá ha. Alí mí aba Yudafɔ Lukio mua Yason pú Sosipatro é bude mli tsíá ha ní.

²² Mí mli pío Okristoyin Tertio áni nɔwanlín ɔwulú áni há Paulo, nde mli tsíá ha.

²³⁻²⁴ Mí wóyí mu wie Gaio ámbú ɔpasua ámbú butefia mu wóyítɔ amu dé mli tsíá ha. Erasto, ogyi wúlu kóbasu ɔkípu mua anɪ pío Kwartɔ é behá mli tsíá.*

Paulo Bulu Kanfú

²⁵ Mliha akanfu anɪ Bulu! Mu ɔbétali tsun Yesu Kristo asún ámbú nablí ámvusu há mlélú kínkíínkín hógyito. ɔlɔpu ɔnɔkwali anɪ nájín tsú ɔyí ɔpá. ²⁶ Séi mú á, alatsun mu ɔnósú atóipú amu atɔ wanlínhésu lé mú ɔwan. Fé alíá

* ^{16:23-24} Mótó yée 24 bu nwulú dada amu akutɔ: Anɪ Wíe Yesu Kristo ɔwáa awitɔle ha mli fée. Amen!

Buluá ɔbu ɛnu bré féeétó lahá ɔmá-ɔmá babí mób, méni ahá féeé bóho mu gyi, bú mu.

²⁷Bulu nkole gyí Bulu. Mu nkole búv nyánsa. Numnyam ání ilekanáa itsúvni aní Wíe Yesusu ɛnu mu bré féeétó. Amen!

Bulu ntam pɔpwe; Nkonya
New Testament in Nkonya (GH:nko:Nkonya)

copyright © 2010 Wycliffe Bible Translators, Inc.

Language: Nkonya

Translation by: Wycliffe Bible Translators, Inc.

Nkonya

nko

Ghana

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Nkonya

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 13 Mar 2019 from source files dated 13 Mar 2019

01b09958-fa53-51d1-aae0-88c7e9302503